ديوان با بلد مالكيش كبير

د. أيمن الفندور



بطاقة فمرسة

حقوق الطبع محفوظة

مكتبة جزيرة الورد اسم الكتاب: يا بلد مالكيش كبير اسم المؤلف:الدكتور/أين الفندور رقم الإيداع: ٢٠١٣/١٧٠٢١




مَّ الْمُؤْرِثِ مَلْمُنْ أَعِرْثِ

المَّهرة: السِينَانُ فَيِيسَمَ ثَلَّتَ بِلِي الْمَهِ الْمِيسَانُ الْمِيرَا لَّهُ ١٠٨٠٠٠٠ مِنْ الْمُعْلِمُ الْم ثُمَّ ١٦ يولِيمِ نِيْسِانُ الْأَيْرِالَ لَّهُ ١٩٠٠مه، ٢٠٨٠٠٠٠ مَنْ Tokoboko_5@yahoo.com

الطبعة الأولى2017

معر • إهداء إلى الفنان علي الحجار أله المنان على الحجار المنان على المنا

يا عم على قول و انجلي الله عليك صوتك أدان فيه الأمان تسلم عينيك لما تغنّي لازم نسمع صوت الحجار لما تغنّي لازم يطلع تاني نهار لو تسمح لي تقبل مني حبة أشعار يا كروان صوته حنان داب قلبي فيك يا عم علي قول و انجلي الله عليك



نستطيع أن نقلب رأس هذا الديوان على عقبه!! فتتحاور مع جزئه الأخير الذي عنونه د.أيمن الغندور بـ (رباعيات) .. وصدًّ للقارئ أجزاء أخرى من الديوان تحت عناوين ثلاثة : (كلام في البوليتيكا) و(كلام في الحب) و(كلام في كل حاجة).. لكن (كل حاجة) هذه لا تخلو من (شبهات) الحب والبوليتيكا.. فِلمَ كان هذا الفصم والكتابة بالتجزئة إذن؟

لنؤخر الإجابات المحتملة إلى ما بعد هذا السبك الفني الناضح المسمى بالرباعيات.. ففيه نضجت طبخة الشاعر الفنية إلى حد كبير، وبدا الغندور حكيًا في ثوب مبدع، أو مبدعًا في عباءة حكيم.. وقد أخذ بيد المتلقى في كل حال من مفاهيم الغربة وأبعادها المؤلة:

الوطن يعني ضُلِّيلة أربع حيطان بينهم عيلة يوم ما تبقى غريب جواه تلقى حملك أتقل شيلة

فالوطن قد يضيق بظاهر المعنى إلى (أربع حيطان بينهم عيلة) وقد يتسع إلى حدود جغرافية شمالاً وجنوبًا وشرقًا وغربًا، وبحار وأنهار وبحيرات وصحراء ووديان ومرتفعات ومنخفضات، (يسرح) فيها شعب عريق ، هو العيلة أيضا..

يأخذك الشاعر - أنت أيها المتلقى - من سرداب الغربة هذا، أو افتقاد الوطن الصغير والكبير، إلى فلسفة الحب والمحبين وامتزاج الذاتين في ذات واحدة، طميًا معتقًا يمكن تشكيله: قنينة وإبريقًا وجرة وبلاصًا!! فهو خامة سهلة مطيعة طيبة، لكنها - رغم ذلك - خطرة حاسمة قاطعة.. فإذا انكسرت قنينة أو إبريق شكله الشخصان معًا: حبًا وصبابة، فلا شيء يجمع ما انكسر، ولا شيء يلم فتات العشق.

ثم يدفعك من ظهرك أو صدرك - أيها المتلقى - لتلج في عالم التأمل والأفكار الكلية المبهمة في رباعيات أخرى كثيرة ، منها:

في ناس الحير نيتها وناس الشر غيتها ما بين لتنين الدنيا

هي اللي تقول كلمتها والخير والشر مرة ثانية: الدنيا لو خير كانت تنتهي الدنيا لو شر كانت تنتهي الحنير اتخلق والشر جنب منه ولكل منهم تلقى ناس تشتهى وعلاقة الدنيا بالخير والشر والإنسان، خيط ممتدعبر معظم هذه الرباعيات:

> كل اللي داخلك يا دنيا مغلوب مهما يضرب في النهاية مضروب يفضل يجري ورا دهب وياقوت ونهايته يا دوب يتلف جوة توب

وعلى هذا النسق من الذهنية والحكمة المغموسة بالعاطفة، والمنتقاة المفردات بدون مجانية، يستمر الغندور في نسج رباعياته.. ونحن نظن كل كاتب عامية له رصيده من هذه الرباعيات كقالب فيضفاض يحتمل شتى الرؤى والمصور والمواقف.. فلاجديد في الشكل، ولا ميزة ولا عيب، إنها رؤيتنا تتوجه إلى المحتوى، وهو هنا متراسك أميل إلى العمق والاستبطان وكشف الذات الإنسانية وتعريتها عبر المفارقة وغيرها من آليات التعبير.. ولا أعلم ما إذا كانت حذه حى التجربة الأولى للشاعر في مجال الرباعيات أم أن تجارب أخرى سابقة عليها ، لكن ما أعلمه -من داخل العمل نفسه -أن إضافة لا شك فيها قد أضافها الغندور، وأن إبداعًا لا شك فيه قد عالجه.. وقد يعود السبب إلى امتلاكه خبرات الحياة العامة بحكم المعارف العلمية الواسعة والثقافة المازجة بين الشرق والغرب.. إنه مالك لحرفية التعبير، ومخزن الخبرة، وهما عنصر إن حاسمان في إجادة فن الرباعيات.. ولم يكن على الغندور إلا أن يتخلص من أي ظلال

لصلاح جاهين -صاحب الرباعيات الشهيرة - وهو يختم كل رباعية بعبارة (ويا للعجب!!) وليس الأمر حتميًا في ختم كل رباعية بهذه الجملة، وربطها بهذا الوتد المهترئ!!

هذا هو عقب الديوان (الرباعيات) وهي جديرة بأن يضمها ديوان مستقل.. أما رأس هذا الديوان فهو القصائد الموزعة على الأبواب المشار إليها، وهي أبواب وتقسيات فيها كلام.. فهي في العناوين الثلاثة، الأولى: (كلام في البوليتيكا) و(كلام في الحب) و(كلام في الحب) و(كلام في كل حاجة) قائمة على (الموضوع) طبقًا لما يعرض له الشاعر: حب وسياسة وكل حاجة!! ثم ينحرف أساس التقسيم في باب (رباعيات) ليأتي على أساس (الشكل) لا الموضوع.. فالأولى على هذا القياس أن ينقسم الديوان إلى قسمين: قصائد، ورباعيات.. ثم إن باب (في كل حاجة) كان يغني عن سائر الأبواب، فها دام في كل حاجة.. والحب والسياسة شيء من هذه (الحاجة)!!

أتفق مع د. أيمن على عنوان (رباعيات) كشكل مختلف من شكل القصيدة، لكن لي اقتراحًا آخر، وقد يكون لك اقتراح ثالث ورابع وعاشر كمتلق وهو تقسيم العمل - إذا كان لابد من تقسيم وتبويب لا أظنك في حاجة إليه - فليكن: (القدس والتربص بنا)، في قصائد: التتار، ولما بلال يدن، وبوليتيكا.. وغيرها، ثم: (واقع مصر الراهنة) في قصائد: لفين يا مصر رايحة، وطول ما النية وحشة، ويا بلد مالكيش كبير، وأنس محيى الدين.. ثم (المخلوع وأخوته)، ثم

(الغربة)، في قصائد: عشت وبقالك بيت في باريس، وإلى حضرة المحترم - عن نجيب محفوظ وغربة الأدباء عن أوطانهم - ورباعية: السوطن يعني ضليلة .. ثم (التأمل) .. وهدو موضوع شائع في الرباعيات، ومنها: عدلك يا رب، وفي ناس الخير نيتها، والدنيا لوخير، وكل اللي داخلك يا دنيا.


ومجمل القول في هذا السياق أنه لا ضير من التبويب والتقسيم إذا بني على أساس منهجي بعينه ، وإذا أطلق ومضات كاشفة للقارئ حول بعض خبايا العمل وسراديبه العميقة، إذا كانت له خبايا وسراديب لكن المؤكد أن د. أيمن الغندور امتلك حشاشات من آليات بناء القصيدة ، من صورة شعرية، تأخذ باهتهام القارئ ، كأن يقول : وطن مكتوم حسه، ويا فتنة زرعك فساد، يا فتنة طرحك عداد، وعيونها السمر جنة مليانة شوق وهمس، والشوق بعته ليك / رجع يقولي باع، ويا غريق في العميق الحب أكبر صديق / تلقاه في وقت الضيق واخدك لفوق وعام.

ومن موسيقى رنانة تلائم الرؤية المصبوبة فيها -ومن هذه الموسيقى مثلا الجناس التام في رياعية (الحب قبل البشر).. وردت مقردة (عام) بثلاثة معاني: هي زمن، وهي بمعنى المشاع للجميع، توهي بمعنى الطفو فوق الماء .. وهنالك أنهاط أخرى من هذه الموسيقى ، كالجناس الناقص، والقافية ، مع انضباط عروض واضح.

من آلياته كذلك تسرب روح الدراما، من شخوص وأحداث ومواقف .. والتناحي، لا مع صلاح جاهين فقط، بل كذلك مع سيد درويش في أغنيته (هاتجن يا ريتني ما شفتش لندن ولا باريز) في (عشت ويقالك بيت في باريس).

ومجمل الرأي أن صوتًا خاصًا ، يدب دبيبًا ، وتفوح رائحته العبقة في هذا العمل ، وهذه الفضفضة الفضية.

حزين عمر





التسارع البيسان خطسر لسسة موجود يا عرب يا جيران استعدوا يا جنود للتسار اسم تساني اسرائيل أو يهود شعب غِل كله دامي يتكلم بالبارود التسارع البيسان خطر لسة موجود

التتار وَحش كاسر جوة منه شيطان يقتل أول وعاشر ينهك كل الأديان يا بلال رتّل قرآن علي صوت الآدان لنفوق قبل الأوان لنفضل ف الجمود التتارع البيان خطر لسة موجود



و لما بلال يدُّن ﴿

و لما بلال يدَّن حي على الفلاح يا قدس قلبي يحزَن و تنزف الجراح و اصرخ بعلو صوتي حياتي زي موتي أرضي راحت و قوتي و ازاي أعيش مرتاح و لما بلال يدَّن

> صلاح الدين والله جاهد بكل حماس و المسجد ليه وتي

في ايد يهود أنجاس عشان تعود الأرض عشان نصون العِرض جهادنا دين و فرض لازم نمسك سلاح و لمّا بلال يدَّن حي على الفلاح



و لفين يا مصر راجَهُ؟ ﴿

و لفين يا مصر رايحة؟ حافظك رب العالمين وشك من غير فرحة حزنك في القلب دفين قالت: ضربة جارحة سبب دموع العين قالت: فتنة سارحة قادها شيطان لعين عشت العمر مسامحة بزرع طيبة و حنين عيدين أصغر و أضحى قداس أجراس و رنين و زرعة أرضى طارحة لكل المصريين لأحمد وعلى وصالحة ويليام و ايفون و ايلين



طول ما النية وحشة و خلاف بينًا موجود راح نلقى مصر وحشة و فدحالة م الجمود يا ناس ياللا نفوق نبص سوا لفوق نخرج بقى م الطوق و الفرح لينا يعود

يا اللي سبت المكن سكن عقلك ضلام دي مصر هي الوطن حرام تموت حرام وطن مكتوم حِسّه و الكل هامّه نفسه أصوات الحق خِرصوا و الشر مالوش حدود

> الكل قام يتظاهر الكل عامل قاضي و هوجة المظاهر بالون هوا فاضي أولى بينا نزرع أولى بينا نصنع مصر الشابة ترجع بضحكة ع الخدود





یا بلد مالکیش کبیر فیکی الفساد جبروت فیکی بلاوی کتیر ناسك متهانة بتموت کم واحد مات یا خسارة فرالعیّاط و العبّارة ۲۹ هو احنا جوة غارة محکوم علینا بالموت یا بلد مالکیش کبیر فیکی الفساد جبروت

١ - اندلمت النيران بالعوية الأخيرة من القطار رقم ٨٣٧ المتوجه من القاهرة إلى أسوان يوم ٢٠ فيراير ٢٠٠٧ م وامتدت بسرحة إلى باني العربات المكلسة بالركاب وقام بعضهم بكسر النوافذ الزجاجية وألقوا بأنفسهم خارج القطاراً عا تسبب في مصرحهم أو غرقهم في ترحة الإبراهيمية.

٢ - غرقت عبارة السلام ٩٨ في ٢ فبراير ٢٠٠٦ في البحر الأحمر وكانت تقل ١٤١٥ شخصاً.

رايحين بدري المدرسة أطفال ملايكة زهور أروى عاملة مهندسة عبدالله عامل دكتور فجأة صدمة اتوبيس قطر بلعهم يا مغيث و الدم على الكراريس قال: و داع يا منفلوط أيا بلد مالكيش كبيز فيكي الفساد جبروت

كَم متعصّب بسم الدين فوق الخلق ماشي يدوس يكفى قتل بني آدمين يكفى اللي جوة النفوس

¹⁻ حادث قطار منفلوط وقع في ١٧ نوفمبر ٢٠١٧، عندما صدم قطار بالقرب من منفلوط حافلة مدرسية تحمل حوالي ٢٠ طالب تتراوح أعيارهم بين أربعة وستة سنوات من بينهم اروى حسين و عبدالله حسين.

یا فتنة زرَّعك فساد یا فتنة طرحك حِداد یا عتمة لونك لیه زاد؟ یا عقول لیه صوتك مكبوت؟ یا بلد مالكیش كبیر فیكی الفساد جبروت

كم واحد في ماتش كورة مات غدراً في بور سعيد المحافية والصورة كل يوم تشود الصورة ويروح مناكم شهيد واللي مات بسم التغيير و اللي ماتوا ف التحرير لو يتعدّوا دول كتير قُومي يا مصر علي الصوت يا بلد مالكيش كبير فيكي الفساد جبروت

۱ - أحداث ستاد بورسعيد وقعت داخل ستاد بورسعيد مساء الأربعاء ١ فبراير ٢٠١٢ عقب مباراة كرة قـدم بين المصري والأهلي، وراح ضحيتها أكثر من ٧٣ فتيلا

بوليتيكا ﴿

في يوم من الأيام راح أمسك استيكة و امسح من الكلام كلمة بوليتيكا كلمة شوكها قوي في بُق أي فهلوي يترقص يتلوي كأنها مزيكا في يوم من الأيام راح أمسك استيكة

رئيس أكبر دولة لبّسنا الطاقية و احنا و لا حَولَ دخلنا القضية قال عنّا دوّل وحوش و احنا مالناش خربوش طظ فيك يا جورج بوش ا و فـ أمك أمريكا في يوم من الأيام راح أمسك استيكة

خارجين م المحرقة يهود ولاد صهيون و القُدس أرض اللقا راحت لهم عربون و ازاي يا ليل يا عين أرض أحمد و اسهاعين تبقى وطن كوهين تبقى أرض ماريكا؟ في يوم من الأيام راح أمسك استيكة

١-رئيس الولايات المتحدة الثالث والأربعون وذلك من ٢٠ يناير ٢٠٠١ إلى ٢٠ يناير ٢٠٠٩.

و آه من امة ورا إمام من غير وضوء و ازاي يا هلترى هترجع الحقوق؟ يا وطن يا مجروح يابكن بلا روح الناس تجيك و تروح تقول ده أنتيكا في يوم من الأيام راح أمسك أستيكة

شعب قلبه كبير

مليون سلام و بوسة لشعب قلبه كبيسر شعب مصر المفروسة برغم خيرها الكتير رغم فقره شعب جامد رغم قهره شعب صامد لو جاع تلقاه واخد لقمة وحبة جرجير مليون سلام و بوسة لشعب قلبه كبيسر

> تلقاه فه الجد هزّر وهزاره يقلب جد وفد عز الفقر وفّر قال راح يسلف حد

يضحك ودمه خفيف غلبان ويبان خيف حلمه يادوب رغيف من غير الطوابير مليون سلام و بوسة لشعب قلبه كبير

رغم جرحه و آلامه تلقاه كله انتهاء عاشق و مصر غرامه عليل و هى الداء يحزن لو مكسورة يفرح لو منصورة و يطلع جوة صورة فوق راسه طراطير مليون سلام و بوسة لشعب قلبه كبير



الفجر والله راجع ينور من جديد ويًا أدان جامع رنين جرس حديد والشعب صوته طالع جامد واصل بعيد رافض يكون خاضع رافض يكون عبيد الفجر والله راجع ينور من جديد

الشعب يا ناس بركان في ميدان التحرير كلّه حمّاس و إيهان إنه يعمل تغيير الشعب مل ركوعه قايم يسد جوعه بدأ و صعب رُجّوعه الشعب عزمه شديد الفجر والله راجع ينور من جديد

شعبك لأجلك يا مصر بشبابه أبطاله حالف ينول النصر ويحقق أماله يمحي نظام ساده ويعرّي فساده يفديكي بولاده شهيد ورا شهيد الفجر والله راجع ينور من جديد الشعب لو يتكلم السانه و ثوّاره لازم ليه نسلّم ونرضى باختياره صوت الإله موته موت الحياة هو الباقي أكيد الفجر والله راجع يتور من جديد



یا سارق منّا قوتنا روح بقی منّك لله فی حیاتك كان موتنا و فد موتك لینا حیاة تلاتین سَنة م الجوع م الألم نبكی دموع و نهایتك آدیك مخلوع مشروح بقی و تفوتنا یا سارق منّا قوتنا


السرقة دي عندك داء منّك وارثها جَمال لو قتّل فيناعلاء بتقول دا موتنا حلال


بَعد ما كنّا فوق الكل شفنا معاك هوان و ذُل جالنا هلاك سرطان سُل فرعنّاك آه بسكوتنا يا سارق مناً قوتنا



الأولة تونس ثورة الياسمين خاف منها هِرب زين العابدين و التانية دي مصر و بعون المُعين اتخلع حسني و اترمسي سسجين و التالتــة ليبيــا مُعَمّــر لعــين متمرمـغ بـلا كرامـة فـ الطـين و الرابعــة صــنعا يــا يَمَــن حــزين راح على صالح أسفل سافِلين و الخامسة سوريا يـا دِرعـا و حطّين دم شعبك سافكه بشار ابن كوهين يا ثورة ثوري في وش الظالمين يا زهور فتحي جوة البساتين يا ربيع العَرَب ليك مستاقين







بتحكي عن شوق فاض بيها و ناسية إنه بان ف عينيها أنا شايف ليه بس كلامها أنا عارف من كُتر غرامها بتتعذب من مُر آلامها بس قلبي ماهؤ بإيديها بتحكي عن شوق فاض بيها

بتشكي من لياليها و السهر عمل إيه فيها آه لو تعرف إن الحُب ماهو مِلكي ده ملك القلب لا ليها و لا ليًا ذنب يا رب اوهب غيري ليها بتحكي عن شوق فاض بيها شافت فيّا فارس ليها و انا قلبي ماحسّش بيها قالت: إني جبل جليد و انا اللي في الحُب شهيد و كلامي شِعر و اناشيد كل العشاق بتغنّيها بتحكي عن شوق فاض بيها




تكسبي

شفتك واحدة عادية قلبي قالك قربي قالك قربي قام ليعب الحب بيا خاف قلبي لتهربي بقيت ضعيف قدّامك بقيت أسير غرامك و اسأل لحظة كلامك جادة و للا بتلعبي شفتك واحدة عادية قلبي قالك قربي

شفتك يا ريت ما شفتك يا ريت منعني حاجز مش عاوز قدّام صورتك أحس كأني عاجز شفتك بقيت سجينك مش لايمك أو بادينك إستهرت بحنينك حقك لازم تكسبي شفتك واحدة عادية قلبي قالك قربي





البنت ام الخدود الخمس الخجلانين سايقة عيونها السود عليّا و تقلانين آخر حُب هي و ف قلبي هي الاولى و عيونها شقيّة و ان كانست خجولة يا ريت تحس بيّا بعيوني السهرانين البنت ام الخدود الحُمسر الخجلانين

ضحكتها وراها سِنة تبرق زي الشمس و عيونها السُمر جنة مليانة شوق و همس و خدودها الحُمر حِنّة بيزيد حنتها اللمس هي احلى ماتمنّي هي ست الحلوين البنست ام الخسدود الحُمسر الخجلانسين قلبي فكر فيها وانا ليها مشتاق قلبي حاسس بيها مُتكيم بالأشواق أشواق لو يحكيها تبهر كل العشاق دعيت أكون ليها ردّوا قولوا آمين البنت ام الخدود الحُمر الخجلانين





بحب خجل خدك و اعشق لون عيونك بسأل مين قدًك بالقى الكل دونك منتي الدار و الضلّة و انتي الضحكة الطاللة و انتي الشمس الهاللة نورك زاين كونك بحب خجل خدك و اعشق لون عيونك

> يا للي حُسنِك آية قلبي عاشقك انتي من بين الصبايا سمّاكي حبيبتي

يا شمس في مداري يا نسمة مشواري يا زَهْري و نواري جوة العين أصونك بحب حجل خدك و اعشق لون عيونك

شُفت الدنيا معاكي جميلة بشكل تاني قلبي لمّا هواكي ملك كل الأماني منتي القلب الصافي و انتي الحضن الدافي يا شراعي و مقدافي صعب أعيش بدونك بحب خجل خدِك

حُبِك سَهّاني ﴿

حُبِك سهّاني فجأة و جاني نسّاني الآه و احلوّ زماني حُبِك سهّاني

سلمتك قلبي ادّيتك حُبّي الشوق لِعِب بي بقيت مش آني حُبِك سهّاني


> عيوزك غنوة أنغامها حلوة في قلبي جوّة

هزِّت کیانی حُبِك سهّاني

قلبي شاريكي حياتي ليكي دنيتي بيكي احلوّت تاني حُبِك سهّاني

لو غبتي عنّي يا حتّة منّي أنا احس إنّي نِسيت عنواني حُبِك سهّاني





حبيبي حِسْ بيّا هواك زوّد أشجاني الشوق دبّل عينيّا و عايزني أسهر تاني حبيبي إيه قصدك أطاوعك و للا اعاندك؟ حبيبي ارحم شويّة عشان قلبي و عشاني حبيبي حِس بيّا هواك زوّد أشجاني

حبيبي هواك غلّاب نداني و خادني معاه صدّقته طِلع كدّاب و لقيت قلبي تـاه ناديت مجاش جواب و فضلت ويّا الآه فكّر مرة فيّـا بلاش تكون أناني حبيبي حِس بيّــا هواك زوّد أشــجانـي

> سلمتك آه قلبي اتحكّم فيه هواك سألتك إيه ذنبي أتعذّب ليه معاك

لو كان بإيدي حُبي كان قلبي راح ينساك بس يصعب عليًا أنساك و انت عنواني حبيبي حِس بيًا هواك زوّد أشجاني

-}}\$

طنطا

روحنا فيها جينا طنطا دي عارفانا شافت ليالينا فيها كان لقانا عاشقين و الله طنطا عاشقين أحلى حتة شالت ذكرياتنا تحكي عن هوانا روحنا فيها جينا طنطا دي عارفانا

شارع البحر خادنا ع البورصة عدّينا للأحمدي روحنا سجدنا صلّينا خادتنا البواكي قلب قام هداكي مصحف يا ملاكي لجل يصون هوانا روحنا فيها جينا طنطا دي عارفانا

الصاغة روحناها لبسنا شبكتنا قِصة كان معناها نبني سوا بيتنا نعيش أجمل أفراح و البال يفضل مرتاح طول ما الشيخة صباح بالخب راح ترعانا روحنا فيها جينا طنطا دي عارفانا



كل ماشوفك دايماً بشوف فيكي نفسي دينا يا روح أيمن حُبِك هو شمسي انتي كل ما هوَّ عاشقه و اقول نِفسي





الف سلامة ليكي من حَسَدْ كل الناس يا رب يخلّيكي يا نور قمر ونّاس يا روحي سلامتك تعيش لي ابتسامتك في قلبي رسمتك حُبك أجمل إحساس الف سلامة ليكي من حسد كل الناس

باعذر لو حد شافِك - و عيونه تحسدك دالجهال أوصفاك بادعي لو أسعدك و اخدِك و نروح عنهم عن قولهم و كلامهم عن عينهم و سهامهم عن كل شيطان وسواس ألف سلامة ليكي من حسد كل الناس



معب أنساكي ﴿ صعب أنساكي ﴿

لو تنسيني صعب أنساكي ميلاد قلبي كان وياكي مها تنسي مها تقسي عيونك دي كل حياتي لو تنسيني صعب أنساكي

لمَّا شفتِك قدَّام عيني قلبي حبِّك زاد حنيني قاللي حُبِك راح يكفيني و اني راح أنسى آهاتي لو تنسيني صعب أنساكي

لو ماليش يا روحي عندك شئ من حُبِك أو من ودِك باردو قلبي راح يحبّك أصل شمسي هي هواكي لو تنسيني صعب أنساكي

حُبي عليكي لو يهون حُبِك عندي بكل الكون يكفى إني بَحِس و اكون سعيد لمّا أبقى ويّاكي لو تنسيني صعب أنساكي



شاكت واحد غيري

شافت واحد غیری حلو جوة عینیها و انا کتر خیری غفرت قوام لیها رجعت و قلبی غریب و انا اللی کنت حبیب و ازای جرحی یطیب و احس تانی بیها? و احس تانی بیها؟ ملافت واحد غیری حلو جوة عینیها

معادش جوة قلبي حنين ليها و غرام راح مِنّي ضاع حُبي حُبي خلاص أوهام صعب قلبي يسامح صعب أنسى و اصالح مجروح و ابان جارح و الآه باداريها شافت واحد غيري حلو جوة عينيها

قلبي ماهوش ملاك ظلمت أنا نفسي رجوعي كان هلاك ضعت أما ضاع نصي ندمان على رجوعي مسجون جوة ضلوعي متحجّرة دموعي صعب أنسى ماضيها شافت واحد غيري

بلاش بكا و دموع ﴿

بلاش بكا و دموع انتى كسرتيني هابعد من غير رجوع البعد ينسيني بارفض أعيش مكسور و اسجن نفسى بسور و ان كنتي جنة و نور نارك بتكويني بلاش بكا و دموع انتى كسرتيني

ياما صبرت عشان أجمل حلم اتولد شفته ليّا أمان شفته ليّا سند أصبر والحلم يضيع و ما بينا سد منيع يظهر إن الربيع عدّى و خاد سنينى بلاش بكا و دموع انتى كسرتينى

ازای و انتی خبی تحبی حد تانی؟ خبی دد تانی؟ نارك جوة قلبی سبب كل أحزانی عاشقك و انتی باردة و كتير حاولت أرضی لكن من النهارده مش راح تبكي عيني بلاش بكا و دموع انتی كسرتینی .

لو التمن كرامتي ﴿

لو التمن كرامتي يحرم عليًا هواك صعب انى أبكى سهل عليًا أنساك إن كان حبك آلمني راح أنزع قلبي مني و أتمنى بُعدك عني حتى لو كنت ملاك لو التمن كرامتي يحرم عليًا هواك

ادیتك قلب أخضر و قلت معالې بدایتي ماكنتش یوم أتصور انك تجرح كرامتي و انك راسم في بالك مارد شاغل خيالك غيّر كتير أحوالك خيّل قلبي ينساك لو التمن كرامتي يجرم عليًا هواك

مش معنى قلبي حبّك انك تتحكم فيّا تعوزني أبقى جنبك تغضب أبعد شويّة جايز قلبي رومانسي اداك يومي و أمسي لكن طبعك يقسي يمنعني أعيش معاك لو التمن كرامتي يحرم عليّا هواك

خرّجيني من حسابك ﴿

خرجيني من حسابك
قلبي والله تعب كتير
سيبي قلبي قلبي سابك
محتاج أناحبة تغيير
محتاج أنسى كل أحزاني
محتاج ضحكة ترجع تاني
محتاج فرحة لو ثواني
أنسى فيها همي الكبير
خرجيني من حسابك
قلبي والله تعب كتير

راح أجمل ما في الليالي قمر غايب مافيش نجوم شارد فكري مشغول بالي حتى عيني خاصمها النوم و الحيرة تعبت ويّايا و الوحدة دائي و دوايا مخنوق في براح سمايا أحزاني واخداني أسير خرّجيني من حسابك قلبي والله تعب كتير

كنتي صعبة وانا عاجز ضحكة راحت بسأل فينها؟ جوة قلبي مليون عاوز صعب أحقق حاجة منها هابعد عنك وانا مرتاح صابني منك ياما جراح برة سجنك هألقى براح و افرد جناح الحب و اطير خرجيني من حسابك قلبي والله تعب كتير

الحاجة الحلوة فينا ﴿

الحاجة الحلوة فينا ضاعت من بين ايدينا الحب سابنا يا عيني و ف لحظة هان علينا راحت تاهت احلامنا خادت منّا غرامنا سابت لينا آلامنا و دموع ساكنة عينينا الحاجة الحلوة فينا ضاعت من بين ايدينا

اللعبة دي خِلصت نزّل ياللا الستار الناس قامت مشيت بدّل تاني الادوار برفض أعيش مخدوع هامشي من غير رجوع عيني مش حِمْل دموع د اللي فينا كافينا الحاجة الحلوة فينا ضاعت من بين ايدينا

عِشتي جوة دورك خدوع قلبي صدق لله المتاق كان نورك خيال صعب يتحقق مش نادم ع الرحيل ده كله كان تمثيل بان فينا مين أصيل ومين باع ليالينا الحاجة الحلوة فينا ضاعت من بين ايدينا ضاعت من بين ايدينا



الشوق بعته ليك
رجع يقوللي باع
صدّقت خلاص عينيك
لا قالوا: وداع
يا خسارة ع السنين
ع العِشرة و الحنين
على حلم عشنا فيه
و ف لحظة منّا ضاع
الشوق بعته ليك
رجع يقوللي باع

شفت الشوق ف عينيك قلبي قال: ده كوني عمري وهبته ليك و انت عشت بدوني قلبي شافك ملاك نزّلني بحر هواك سِبت الموج يلعب بي لا مركب و لا شراع الشوق بعتّه ليك رجع يقوللي باع

الحب سابني و راح
يا ريته ما سابني
يا قادرع الجراح
جرحك والله صابني
يا خسارة ع التنهيدة
ع الآهة و القصيدة
على حُب حبّيته لك
على عُمْر راح فه خداع
الشوق بعتّه ليك
رجع يقوللي باع

ليّا مشتاق و للأ ﴿

ليًا مشتاق و للا زمان الشوق ولّى حُبك يا روحي نار و كنت فاكره ضلة ليًا مشتاق و للا

عيونك حبّيتها خدودك هويتها ايدي ليك مدّيتها قلبي قال بسم الله ليّا مشتاق و للا

لمّا شافوا عيوني سهرانــة لاموني قالوا مخطوف لوني قالوا بيّـا عِلّة ليّا مشتاق و للا

سَقِتني مُر في كاس دوّبت قلبي خلاص شهّدت عليك الناس تعالى طُل طلّة ليّا مشتاق و للا



جالِك قلب ﴿

جالِك قلب تروحي عني والله بعيد ياللي كنتي روحي بَعدك قلبي شهيد قلبك قِدِر يقسى قلبي حاول ينسى محتاج ألقى مَرْسى و اروح لِحُب جديد جالِك قلب تروحي عني والله بعيد

غرامِك كان كلام · اتقال مليون مَرَّة صدّق قلبي و هام عاش في كدبة مُرَّة طيفِك قرّب منّي فتنّي غضب عنّي في عز ما طمّنّي جرحني جرح شديد جالِك قلب تروحي عني والله بعيد

بعد ما قلت هويت أجمل واحدة يا ناس بعد ما فيكي لقيت نُصِّي التاني خلاص قلبِك عِرِف يغدر قلبِك قِدِر يهجر خلّي قلبي فكّر يعيش عمره وحيد جالِك قلب تروحي عني والله بعيد



يائلي كنتي فرحي يائلي كنتي فرحي كنت أول ماقابنك تتحدد ملامحي قاسية و قلبك باع من غير حتى وداع لو فأكرة قلبي ضاع قلبي فادر يمحي ياللي كنتي فرحي

ازاي تاني أرجع و اجي لحد بابك؟ قلبك قِدِر يوجع قلبي من غيابك خلاص قلبي بَعدِك قادر على بُعدك ياللي بعتي حُبك قُربك مش في صالحي ياللي كنتي فرحي

بُعدك زود حبك فياً ﴿

جالك قلب تقسى عليّا و تغیب عنی و الله یومین بُعدك زوّد حُبك فيّا و الشوق عذّبني فـ ليلتين بعد ما جاني والله هواك راحت مِنّى راحة بالي حَبك قلبي ازاي أنساك؟ و انا قلبي ليك طوالي دايماً منك ليه باقرب غصبن عني أو برضايا مُستَحيل يوم منك أهرب انت حُبك ده جوّايا

-**-8\$\$**ۥ-



مشت و بقالك بيت في باريس ﴿ عشت و

عشت و بقالك بيت في باريس قالع توبك و لبست قميص اوعى في يوم تصحى م النوم تعمل اسمك مسيو موريس واياك تاخد واحدة منهم يا ريت تبعد و الله عنهم مانت دينك ده غير دينهم سيبك منهم و إلعن ابليس عشت و بقالك بيت في باريس


و إن تلقى حد على هواك تفرح بجد ويًا قُربه و تحس إنه بقلب ملاك و يكون مُناك تفضل جنبه ايه ضمّنك لو جالك بنت تمشي عِدِل من خير ما تشِت ماتجيش تقول بالعُري امنت سَترك يا رب دانتَ المغيث عشت و بقالك بيت في باريس

و ان جالك واد كان من صُلبك تسند ضهرك بُكرة عليه ایه ضمّنك یفضل جنبك و انه یكون بار بوالدیه خوفی تلقاه عامل تاتو لابس حَلَق علی مایوه تصرخ تقول مش ابن ابوه مش ابن اصول ده واد خسیس عشت و بقالك بیت فی باریس طویل علیك قاسی و غدّار

انت الغريب و الغربة بحن واخدك لتحت مالوش قرار ارجع لمصر ابوك و امك راح تلقى الف حضن يُضمك حملك يخف يروح همك دي مصر دي طِيبة و احاسيس عشت و بقالك بيت في باريس



Y ·· \ \ / \ · Ivry sur Seine



أكتب بالدم خطي و اقول بعلو آدان لا ابنك مسيحي قبطي أو حتى م الاخوان يا مصر ابنك فرعون عفي قوي البنيان من طين أرضك معجون و النيل جوّاه شريان



إلى حضرة المحترم ﴿

أربع سنين عدّوا بعدك يا عم نجيب الناس فاكرة جدو* وتقول أحلى لعيب نسيوا صاحب إبداع عمره ف الأدب ضاع لحد ما صيته ذاع و بقى أروع أديب أربع سنين عدّوا بعدك يا عم نجيب

يا مصر كلك أدب ناسية ليه نجيبك؟ ناسية و يا للعجب! نوبل قال ده أديبك

^{*} جدو هداف منتخب مصر لكرة القدم في بطولة الأمم الأفريقية ٢٠١٠

وف لیلك ضوء نوّار مین ینسی میرامار أو عبث الأقدار؟ لو ننسی یبقی عیب أربع سنین عدّوا بعدك یا عم نجیب

صباح الورد يا قلب
يا حضرة المحترم
يا من علّمنا الحب
فوق هضبة الهرم
رسمت دنيا الله
عصر الحب و الحياة
و الطريق معاك نلقاه
و كأنك قاري الغيب
أربع سنين عدّوا
بعدك يا عم نجيب

ثلاثية سي السيد و ذُل الست مراته و حريم كان متقيّد مغلوب طول حياته شفنا اللص و الكلاب و العدل زى السراب و الحق أصبح غريب أربع سنين عدّوا بعدك يا عم نجيب

زقاق المدق كان عالم مليان بناسه خان الخليلى بان نور و النجوم حرّاسه نور يضوي قلب الليل فيه تحلى المواويل و ثرثرة فوق النيل و همس حبيب لحبيب أربع سنين عدّوا بعدك يا عم نجيب

حكيت عن أمتنا من عند كفاح طيبة حروبنا و ثورتنا العظمى المجيدة رسمت أمة واحدة نسيج كله وحدة ما كل الناس شاهدة إحنا هلال و صليب أربع سنين عدّوا بعدك يا عم نجيب

دیسمبر ۲۰۱۰

يا عالمي التالت ﴿

يا عالمي التالت الناس تبات تصحى تعمل تغيرات و انت تبات تفضل في حالة سُبات نفسى تنسى إنك سبنسة ترجَع بريمو يطوي المسافات ليه حلمك تاه منّك؟ تاه وسط المتاهات فن نبضك؟ ليه قلبك من غير دقات؟ فاضت أحزاني و معذّباني الآهات و الضحكة نسيتها و نسيت القهقهات يا عالمي التالت حِس باللي جوّايا لهيب منقاد مالوش رماد

عُمْر العجوز مانفع لزمن الصبايا عُمْر العجوز ما يجيب ولاد و لا امتداد يا عالمي التالت اصحى طالت بينا الفسحة طال نومك و هدومك مصبوغة كوابيس لو عايز راح ترجع من تاني عريس على راسك وبلاشك تسمع ابليس دا خلاصك لو تخرج برة الكواليس



محمودي المحمودي المحمودي المحمود المح

يا عم على قول و انجلي الله عليك صوتك ادان فيه الامان تسلم عينيك لما تغنّي لازم نسمع صوت الحجار لما تغنّي لازم يطلع تاني نهار لو تسمح لي تقبل مني حبة أشعار يا كروان صوته حنان داب قلبي فيك يا عم على قول و انجلي الله عليك

و نروح معاك حَسَب هواك سيدنا الحسين نسجد هناك نصلي الفجر و سُنة اتنين سبحان الله الحمد لله و نقرا يس و نسمع منك أشعار عمي صلاح جاهين الله على أحلى زمن كله حنين راجع معاك بصوت ملاك اتوجد فيك يا عم على قول و انجلي الله عليك

ياليل و اليل و

يا ليل مكتوب علياً أسهر طول لياليا و لاحدحاسس بيًا و ضاق عليًا كوني

كرواني كان يشديلي دلوقتي لمّا يجيـــلي يغنّي عيني يا ليـلي و يزيد عليّا شجوني





أنا أنس محيى الدين طفل مصرى طفل عادى رافع راسى عالى الجبين بحلم أكبر و أفيد بلادى أبدر قمح جوة المزارع يطرح نور جوة المصانع بس قدرى كان ممانع رافض إنى أعيش يومين أنا أنس محيى الدين

أبدأ منين و أحكى منين ابكى يا عين م اللي جرى اللي حصل عارع الجبين اللي حصل كان مجزرة

^{*} أحد ضحايا ستاد بور سعيد

شافت يومها عيني وحوش لابسة بشر لابسة وشوش ليها ضحكت بوش بشوش جات الضحكة فيها أنين أنا أنس محيى الدين

بور سعيد طاهرة بريئة كنت هاصعب على ولادها هى دى والله الحقيقة حد غيرهم هو اللى قادها حد خايف كاره الثورة حد شايف فساده عورة يا اهل بلدى تكون نصين أنا أنس محيى الدين يابا محيى صبّر أمى يابا محيى صبّر أمى بكلمتين: ابنك شهيد

لما اتحتی جسمی بدمی
کان ده عُرسی فی بور سعید
جُم ملایکة جُم زفونی
فی علَم مصر جُم لفونی
حلوة یا مصر جوة عیونی
حلوة یا مصر لیوم الدین
انا آنس محیی الدین
طفل مصری طفل عادی
رافع راسی عالی الجین
بحلم آکبر و آفید بلادی

یا طیر نورس ﴿

يا بحر الشعر موجك غدّار فين المراكبي فين الشراع؟ بتقول ده راح ويا التيار مشى من غير كلمة وداع يا طير نورس البحر نداك رحت تغنّي و اللحن حزين فكرت البحر بقلب ملاك قام ضاع العمر و احلي سنين يا طير جيت لك جيت مستنى ع الشط واقف حزين حالي قلبي معادش يوم يغني ايه بقى لزمة موالي؟ •**-8\$\$\$**••



زي الجبل متعوّد أشيل أحمال تقيلة و امشي عدِل ما حوّد متداري في ضُلّيلة و ان زاد عليّا حِملي ادعي و اقوم أصلي و اقول يا رب تخلّي الدنيا دي جميلة زي الجبل متعوّد أشيل أحمال تقيلة

أتألمّ و اكتم صوتي و احاسب من كلامي أفضّل يكون موتي و لا تظهر آلامي
و اقول لجراحي خِفّي
و اداري فيّا ضعفي
العمر خطه في كفّي
قال أيامك قليلة
زي الجبل متعوّد
أشيل أحمال تقيلة

رغم اللي كان ﴿

رغم اللي كان لسّاك انسان مصري و قلبك كله حنان مين كان قدّك فاس في يدك تزرع أرضك تطرح أمان متشد يابني ياللا حيلك متقوم تبني نوّر ليلك شوف أجدادك خلّوا بلادك أم الدنيا من الف زمان صوتها يعلا زي الادان رغم اللي كان لسّاك انسان

أدِّي فرضك الله أكبر و إدِّي أرضك زرعك يكبر و احفظ عِرضك لا تتكبر تلقى حُب الناس ليك اكتر حقق ذاتك بين العالم عيش حياتك من غير ألم علي راسك نور نبراسك يبقى منارة كل مكان يبقى حضارة و ليك عنوان رغم اللي كان لسّاك انسان

مصر حلوة قامت تندهلك صوت ملايكي صوت يشبهلك لبي ياللا أرضك و أهلك ورّي عِلْمك للي جاهلك ارفض تكون عالم تالت من غير مضمون لونه باهت خليك عصري خليك عصري تخرج من حاجز النسيان ترجع مارد و الله زمان رغم اللي كان لسّاك انسان

فينك يا امّة ﴿

وحيد بَعدك بسأل فينك يا امَّة طال في بُعدك الليل و ازداد ضلمة يا سلسبيل و نور جامع ولادك ف بعادك ضعنا و ضاعت اللمَّة وحيد بَعدك بسأل فينك يا امَّة

بتروح مشاكلي لمّا بتدعيلي و فـ قربك منّي الخير بيجيلي مع لمسة ايدك يتشد حيلي يتقام عودي و ابقى كلّي همّة وحيد بَعدك بسأل فينك يا امّة


و فـ لحظة فرحي ياما فِرِحتي و فـ لحظة جرحي كم انجرحتي فين راحت راحتي من يوم ما رُحْتي؟ مشتاق لحضنك أو حتى ضمة وحيد بَعدك بسأل فينك يا امّة



	•		
•			

دودة الأرض و دودة القُزُّ ﴿

دودة الأرض ماشية تهتز الشيطان على عقلها وَز قالت ما كنتش دودة قز أعيش مرتاحة جوة علبة أكُل ورق توت و حِلْبة دودة القز بتقول بقى امتى اخرج يوم م الشرنقة لأرض حلوة متزوقة بشمس ساطعة قمر و نور و نسمة طالعة بين الزهور لتنين للقاضي راحوا اشتكوله وباحوا الكون بحاله تعيس بحاله. و الكيل طَفَح صعب احتماله القاضي أصدر فرمان أمر بتبديل المكان كل دودة راحت له تاني طالبة حالها الأولاني بعد ما لعب لعبته القاضي قال كلمته من شاف بلوة غيره هانت عليه بلوته




جوة غابة مالطة جات دبة مغمورة جنب أسد أونطة أصبحت اسطورة أسد ظالم و شديد الظلم فوق جبينه و الدبة لون جديد حلوة جوة عينه حَب يقرّب منها عينها استاذة كان أوّلى تعيينها رقّاصة هزّازة و تجيب الدبة مين غير حبة كتاكيت بدماغها الطخين

تحكي لهم حواديت حواديت أي كلام ايه تفهم دبدوبة و التعليم يا حرام أحواله مقلوبة قامت طاحت ف الكل والأسدحاميها و الكتاكيت في ذُل مش قد بلاويها غلبانين ظالمهم قانونك يا غابة مين فيكي ينصفهم؟ تعالب و ديابة قام كتكوت راح احتج شاف ظلمه مهزلة عارف لو خاف و اتخض مالوش فالمرجلة

فكر يبعد يومين رجع نافش ريشه بعلمه أصبح زين زعيم على جيشه وتروح فين الدبة من حبل المشنقة؟ لو حبت حد حبة كانت عاشت بقى





الديك ماله جاله برد و البقر بقى مجنون الأسد غضبان و احتد و استدعى الحكيم ميمون قام القرد بكلمة رد قال له في مخلوق فرعون شرّه أصبح مالوش حد لِعِب في جينات الكون



حمير ف الغابة ضايعة و

حمير ف الغابة ضايعة لكن في وقت الشِدة تعمل للأسد بيعة تتجدد بعد المدة على معنى الحرية ف البامية و التقلية أمّا السياسة دِيّة عليها حتة لسعة بتجيب الجوع للمعدة حمير ف الغابة ضايعة

الفيل شافها وكالة و مربِّي منها كرشه و الأسد أسعد حالة ما دام قاعد فوق عرشه الأسد فوق فرالعالي و الفيل ويّاه طوّالي و حمير م الشيل بتعاني و اللي ايده ف الولعة غير اللي ف مَية باردة حمير ف الغابة ضايعة



ليه يا دنيا واخداني ملطشة؟ مَرة ضرب و زعيق و مرة خربشة امتى صورتك تبقى حلوة بقى و اشوفها واضحة من غير نغمشة؟ و يا للعجب!

باحرق ورق و اطلّع غِلّي فيسه ورق اسم حبيبي مكتوب عليسه باحرق ورق كيف قلبي ماتحرَق و عُمْر حريق ما طفّى حريق قبليه و يا للعجب! عدلك يارب محا اللي سرق مِنْي مَحَلِي لولا عدلك كان الكون علق ماهوش محكي ويا للعجب!

نويت تغيب يـا خِلِّ يا ريت تسيب و تخلِّ حبــة دفا من حُبـك برد الشتـا دخل لي و يا للعجب! الحب قبل البشر اتولد بألف عام خالقه رب البشر للناس جعله عام يا غريق ف العميق الحب أكبر صديق تلقاه في وقت الضيق واخدك لفوق و عام و يا للعجب!

الحُب مش فلسفة الحُب بحق و حقيق حتة طميّ منها اتعمل يادوب ابريت يشيلوه سوا اتنين في سكة العاشقين لو انكسر يفصل ما بينهم الف طريق و يا للعجب!

في ناس الخيسر نيسها وناس الشسر غيستها مابيس لتنين الدنيسا هي اللي تقول كلمتها ويا للعجب!

الوطن يعني ضُليلة أربع حيطان بينهم عيلة يوم ماتبقى غريب جوّاه تِلقى حِملك أتقل شيلة و يا للعجب! يوم ورا يوم من عمري مَر غريت باعوم مش لاقي بَر قلبي ماسك طوق النجاة على الحياة و ان كانت مُر و يا للعجب!

كل وليـفة ويّـا وليـفها كدة الحياة و انـا عارفها أمّا الوحيـد فيها يـاعيـني يبان شايف و موش شايفها و يا للعجب! عيونك بحر فيها بشوف شئ م الحب مع شئ م الخوف أسمع منها كلام جرئ و ألمح فيها خجل وكسوف و يا للعجب!

جُم اجانب ف البلد لجل المناجم قتلوا الحلم ف الولد وسط الجماجم قلبي رفض بس انتفض يا اسكندرية لما اتحرق فيكي ورق علم و معاجم و يا للعجب!

باغزل تاني نفس الخيــوط مهها اعاني مش راح أموت مهها اتــألم صعب أسلم راح أتكلم بـأعلى صوت و يا للعجب!

الدنيا لو خير كانت تنتهي الدنيا لو شر كانت تنتهي الدنيا لو شر كانت تنتهي الخير اتخلق و الشر جنب منه و لكل منهم تلقى ناس تشتهي و يا للعجب!

صحيت بدري شفت الدنيا بتضحكلي الضهر لما عدى الكون ده كان ملكي ضحكوا الصبايا ليّا قلت أنا يا ليل الليل جاني يجري لابس أسمر يبكي و يا للعجب!

كل اللي داخلك يا دنيا مغلوب مها يضرب فه النهاية مضروب يفضل يجري ورا دهب ياقوت و نهايته يادوب يتلف جوة توب و يا للعجب! عتاج أحب و اعشق و اتحب يا دنيا ليه قاسية ع القلب؟ أشكي لمين دمعك يا عين؟ أشكي لمين غيرك يا رب و يا للعجب!

البنت قالت: جميل قوي شَكْلي الله يا دنيا حلوة تضحك لي بعد سنين البنت قالت: يا دنيا جرالك ايه؟ كِترت ليه مشاكلي؟ ويا للعجب!

سنين جايّة و سنين ماشية سنين ملوك و سنين حاشية سنين يجرحنا سهم الآه و سنين تحلى لينا الاشيا و يا للعجب!

هو هو نفس الوش مَرة يخوف ويقول كِش مَرة يسوق فالدلال سبحان مَن خلاه يغِش وياللعجب! عصفور سألته: ليه دايم حزين؟ طير ياللا رفرف يا بو الجناحين باح بفضفضة عن ضيق الفضا و امّا طار كان عيار قاسمه نصين و يا للعجب!

هجرت ليه حُبك للشِعر والأنغام؟ حجّرت ليه قلبك و بتزرع ألغام؟ رد قاللي: لسه بتسأل يا غلبان ماحدّش قالك ان الحبّب حرام و يا للعجب!

⋴⋖⋛∁⋛**●**⋄⋰

الفهرس

الصفحة	الموضوع
٣	إهداء إلى الفنان على الحجار
	فَضفضة الغندور
11	كلام في البوليتيكا
17	التتار ـــــــــــــــــــــــــــــــــــ
	 ولما بلال يدن
	و لفین یا مصر رایحهٔ؟
	طول ما النية وحشة
	يا بلد مالكيش كبير
	پ بـــ مــــــ بر بولیتیکا۔۔۔۔۔۔۔۔۔۔۔۔۔۔۔۔
	بريب شعب قلبه كبير
	اشعب ــــــــــــــــــــــــــــــــــــ
	يا سارق منا قوتنا ــــــــــــــــــــــــــــــــــــ
	پ شاری که توله ربیع العرب
	ربي شرب كلام في الحب
٣٥	بتحكى
	تكسبى
	أم الخدود الحُمر
	بحب خجل خرك
	خُبك سهانی ــــــــــــــــــــــــــــــــــــ
	حبیبی حس بیا
	طنطاً ــــــــــــــــــــــــــــــــــــ
	دينا لينا
	ألف سلامة
	صعب أنساكي
0{	ـــــــــــــــــــــــــــــــــــــ
۲٥	بلاش بكا ودموع
	برس بن وعموع لو التمن كرامتي
	س رسس سر رسی

. الصفحة	الموضوع
1	خرَجيني من حسابك ــــــــــــــــــــــــــــــــــــ
	الحاجة الحلوة فينا
78	الثعوق
77	ليًا مشتاق ولملا
٦٨ ٨٢	جالك قلب
٧	يا للي كنت فرحي
YY	بُعدكَ زود حبك فيا
	كلام في كل حاجة
	عشت وبقالك بيت في باريس
	ابنك فرعون
	إلى حضرة المحترم
	يا عالمي التالت
	يا عم على
	يا ليل
	أنس محبي الدين
	يا طير نورس
	زي الجبل
	رغم اللي كان
	فينك يا أمّة
	كلام على لسان الحيوانات
	دودة الأرض ودودة القز
	دبة مغمورة
	مخلوق فرعون ــــــــــــــــــــــــــــــــــــ
	حمير ف الغابة ضايعة
	كلام رباعيات
[]	الفهرس